

بر نسخہ می ۱ غرو شد در .

بر نسخہ می ۱ غرو شد در .

مرکزی ابو السعود جادہ سندہ ۱۸ نومرولو دکاندر .
کوندربلہ جگ اوراق معلم نامنہ اوراہ کوندربلیدر .
پوسنہ اجرئی ویرلامش مکاتیب قبول اوتماز .

استانبول ایچون آتوہ بازلماز . خارج ایچون برسنہ لک
آتوہ بدلی — پوسنہ اجرئیہ برابر — یاریم عثمانلی
لیراسیدر .

فی ۳۰ ربیع الآخر سنہ ۱۳۰۵ (معارف نظارتک رخصتیہ ہفتہ درہمہ نشر اولتور) فی ۲۳ کانون اول سنہ ۱۳۰۴

مکتب حقوق درس لربک خلاصہ می :

— ۳۰ —

اگرچہ

برینہ کورہ » ہرنہ قدر « تعبیرینہ معادل طوئیلور ایدان
استدراک ادا تیدر .

داخل اولدینی عبارتی » ایسہدہ — ایسہلدہ — ایسہلدہ —
ایسہ کردہ — ایسہدہ — ایسہلدہ « تعبیرلندن ویا بونلرک مخففارندن
بری تعقیب ایدر . بعضاً بونلرہ بدل » اما — فقط — لکن — آتیق «
اداتلرندن بری کایر . اصل معنای استدراک او تعبیرلدہ ویا
بو ادا تاردہ اولدینی حالہ » اگرچہ « کلہ جگ معنای استدراک
مخبری حکمنده بولتور :

§

» اگرچہ طوبک ایجاد ییدی یوز سکسان سنہ سنہ طوغری
ایسہدہ سکر یوز تاریخنہ قدر طوبلر یالکر محاصرہ لردہ قوللا -
نیلوب صکرہ لری عاداتا جنکرلدہ دخی استعمال اولتفہ باشلادی .
§ « جودت باشا — تاریخدن »
» اگرچہ افراط شدتہ نظر آ آتی دخی یرندن قوبارہ سی
احتمالین بعید دکادی . فقط خصیہ چارشیفہ باشلار باشلاماز
سوق روزکار اجزای قوتی تارومار آتیدیکندن بو آشپارہ
جلادت یوق برہ محو اولدی کتیدی .
§ « کال بک — دور استیلدن »

(اگرچہ خیلی بریشاندہدہ سوزک — اکرم —)

§

(اگرچہ چکمدک اما عذابدر دیرلر)

» راشد مورخ «

§

(اگرچہ سولیز اما نلر بیلیر عاشق)

» خضر آتا زادہ سعید بک «

» اگرچہ « دن صکرہ ایراد اولان بو کلات — نظمہ مخصوص

اولق اوزرہ — حذف ایدیلہ بیلیر :

(اگرچہ کہنہ متاعز رواجز یوقدر)

(رواجہدہ او قدر احتیاجز یوقدر)

» نابی «

نژدہ اوائل کلامدہ بولتق حتی اولان » اگرچہ « نک نظمہدہ

تاخیری جائزدر :

(وفا ایدر یزی مأمور کرینہ حسرت)

(اگرچہ چارہ سی یوق امردر قضا وقدر)

» اکرم بک «

(قالسونجی کولکدہ آرتق آرام)

(هجران وطنہ نالہ زندر)

(هر خطوہ خاک پاک اسلام)

(عندمدہ اگرچہ بر وطندر)

» حسین ہائیم «

ینہ نظمہ مخصوص اولق اوزرہ — » اگر « کبی — » اگرچہ « —
نک دہ حمزہ سی تحفیفاً اسقاط اولتہ بیلیر :

(اگرچہ جانندن دل شیدا ایچون کام ایسترم)

» فضولی «

بو ادا تندن صکرہ » کہ — کیم « ایرادی منوعدر . شو
مصراعلدہ کی » کہ — کیم « زانڈدر :

(افاسنز اگرچہ کہ آہستہدر بزم)

§

» نابی «

(اگرچہ کیم براروی مجز بیانیدر سوزم)

» نغی «

» اگرچہ « ایلہ » هر نه قدر « بیندہ استعمالجہ فرق واردر .
» هر نه قدر « دن صکرہ داتما » ایسہدہ « تعبیرلندن
بری کلدیکی حالہ » اما « ادا تارندن بری کلہ من .
بونکلہ برابر » هر نه قدر « دن صکرہ او تعبیرلرک » دہ « سز ایرادی
جائز اولماز . ضیا باشانک :

(بن هر نه قدر کوردم ایسہ بعض مضرت)

مصراحی معارف فصاحتدر .

(کوردمسہدہ بن هر نه قدر بعض مضرت)

دنیش اولسہ دخی » کوردمسہدہ « تعبیرندن صکرہ » هر نه قدر «
لزوم کورلمہ جکی جہتلہ ینہ محبتندن سالم اولہماز .

» اگر « مقامندہ » اگرچہ « قوللائیلہ میسہ جفی کی » اگرچہ «
مقامندہدہ » اگر « قوللائیلہماز . مثلاً » اگرچہ کش ایسہ « دینلہ -
میہ جکی کی » اگر کش ایسہدہ « دخی دینلہ من .

فارسیدہ » اگرچہ « موقعندہ » اگر « ایراد اولتہ بیلیر .
فضولی بک :

(کر این سلام ایدی بہانہ)

(مجنون ایدی باعث فغانہ)

یانی کی بعض اشعاردہ کورلدیکی اوزرہ زردہ بو شیوہ وقتیلہ
تقلید ایدلش . صکرہ لری دخی بالکس » اگر « موقعندہ » اگرچہ «
استعمالی بعض ارباب قلم طرفندن ترویج ایدلک ایستلش ایسہدہ
فصحای عصرہ کوردہ نہ اولتقدیدک حکمی اولہ بیلیر . ندہ بو ترونجیک .

